



RADIO STARI GRAD d.o.o., Sarajevo, Urijan Dedina 7, objavljuje Pravila učestvovanja u Nagradnoj Igri „Zlatna Petrol Kartica?“.

Član 1.

Priređivač Nagradne Igre je Radio Stari Grad d.o.o., Urijan Dedina 7, 71000 Sarajevo (u nastavku - Priređivač), a ista će se realizovati u programu RSG radija za potrebe sponzora Petrol BH Oil Company d.o.o. (u nastavku Sponzor).

■ Član 2.

Pravilima učestvovanja u Nagradnoj igri (u nastavku: Pravila) Priređivač definiše sva pravila učestvovanja u nagradnoj igri "Zlatna Petrol Kartica".

Član 3.

Nagradna igra se realizuje u razdoblju od 17. do 28. oktobra 2016. godine, radnim danom, u terminu od 06 do 18 sati.

Član 4.

Ovim pravilima se osigurava ravnopravnost svih učesnika u nagradnoj igri i jednaka mogućnost osvajanja nagrade u slučaju da su ispunjeni svi uslovi iz Pravilnika.

Član 5.

Pravo sudjelovanja u ovom kvizu imaju svi punoljetni državljani Republike Bosne i Hercegovine, a nemaju uposlenici RSG radija, Petrol BH Oil Company d.o.o. i sestrinskih kompanija, stalni saradnici i članovi njihove uže porodice. Jedna osoba može osvojiti samo jednu nagradu. Priređivač nije odgovoran ukoliko osoba odbije preuzeti nagradu.

■ Član 6.

Sudjelovanjem u kvizu učesnici prihvataju stavke navedene u ovim Pravilima i dozvoljavaju da se njihove fotografije, audio snimci i slično mogu objaviti u eteru RSG radija, na internet stranicama Priređivača ili Sponzora, Facebooku i Twitteru RSG radija. Učesnici pristaju da njihovi podaci budu objavljeni na web stranicama trećih osoba, stranicama Sponzora i stranicama društvenih mreža. Učesnici također pristaju i na fotografisanje prilikom preuzimanja nagrade za potrebe promocije igre i objave u medijima Priređivača i Sponzora.

Učesnici igre pristaju bez iznimke da Priređivač ili Sponzor mogu koristiti podatke prikupljene unutar igre narednih 12 mjeseci za potrebe marketinga i promotivnih aktivnosti, bez ikakve naknade učesniku.



Član 7.

Zadatak slušatelja je da nakon što u eteru objavimo kilometražu koju tražimo, u roku od 20 minuta uslikaju kilometar sat svog automobila i sliku pošalju u inbox RSG facebook stranice ili na Viber broj 063 281 281. U slučaju da kilometar sat prikazuje zadanu kilometražu, slušatelj osvaja nagradu – poklon bon u vrijednosti 25 KM. U slučaju da nemamo dobitnika, u sljedećem javljanju zadajemo novu kilometražu i povećavamo vrijednost nagrade za 25KM i sve tako dok ne dobijemo dobitnika. Nakon što imamo dobitnika nagrade, krećemo sa novim ciklusom i sa početnom vrijednosti nagrade od 25KM.

Član 8.

Vrijednost nagradnog fonda je 750,00 KM (sedamstotinapadeset konvertibilnih maraka), koje mogu biti podijeljene na više manjih nagrada. Nagrade obezbjeđuje Sponzor a dodjeljuje Priređivač na način da se maksimalno ispune ciljevi provođenja igre.

Član 9.

Regularnost provođenja nagradne igre provodi tročlana komisija RSG radija, o čemu se vodi dnevni zapisnik.

Tročlanu komisiju čine:

1. Adela Alagić-Đorđević;
2. Alen Altoka;
3. Rusmir Fazlić.

Član 10.

Priređivač igre će imena dobitnika objaviti u eteru i obavijestiti ih telefonskim putem o osvojenoj nagradi. Nagradu nije moguće zamijeniti za novčanu naknadu. Trenutkom preuzimanja nagrade, odnosno potpisom o preuzimanju nagrade, prestaju sve daljnje obaveze Priređivača i Sponzora kviza prema Dobitniku.

Nagrada će biti dostavljena dobitniku u roku od 30 (trideset) dana od završetka igre. Priređivač i Sponzor nisu odgovorni ukoliko dobitnik ne zadovoljava kriterije za korištenje nagrade te takva obrazloženja ne kvalifikuju za promjenu nagrade. U slučaju da u Pravilima propisanom roku dobitnik ne preuzme nagradu, gubi pravo potraživanja iste.

Član 11.

Priređivač kviza može isti staviti u privremeno stanje mirovanja ili ga u potpunosti prekinuti u slučaju nastupa više sile i izraženih privrednih poremećaja, te o tome na odgovarajući način obavijestiti javnost.



Član 12.

Učestvovanjem u igri svaki učesnik prihvata gore navedena prava i obaveze iz ovog Pravilnika. U slučaju mogućeg spora nadležan je Općinski sud u Sarajevu.

Članak 13.

Ovaj Pravilnik stupa na snagu danom objave na web stranici www.rsg.ba, a njegova valjanost traje do ispunjenja svih stavki predviđenih pojedinim člancima Pravilnika.

U Sarajevu, 06. oktobra 2016.

Radio Stari Grad d.o.o.
Broj 010/2016.